

# UNIVERZITET U SARAJEVU



## POSLOVNIK O RADU SAVJETA ZA NAUKU I UMJETNOST UNIVERZITETA U SARAJEVU

Sarajevo, januar 2017. godine

U skladu sa članom 87.a Statuta Univerziteta u Sarajevu od 26. 06. 2013. godine, Savjet za nauku i umjetnost Univerziteta u Sarajevu na svojoj sjednici održanoj 31. januara 2017. godine usvojio je:

## **POSLOVNIK O RADU SAVJETA ZA NAUKU I UMJETNOST UNIVERZITETA U SARAJEVU**

### **OPĆE ODREDBE**

#### **Član 1.**

Ovim Poslovnikom o radu uređuje se rad Savjeta za nauku i umjetnost Univerziteta u Sarajevu (u daljnjem tekstu: Savjet) i to: priprema i sazivanje sjednica, način vođenja sjednica, odnosno sudjelovanja u raspravama, prava i dužnosti članova Savjeta, odlučivanje, sadržaj zapisnika sa sjednice, te stupanje na snagu Poslovnika o radu (u daljnjem tekstu: Poslovnik).

#### **Član 2.**

- (1) Savjet za nauku i umjetnost je stručno i savjetodavno tijelo Senata Univerziteta.
- (2) U skladu sa odredbom člana 87.a Statuta Univerziteta, Savjet ima nadležnost da:
  - a) predlaže Senatu Univerziteta strategiju razvoja i unaprijeđenja nauke i umjetnosti na Univerzitetu u Sarajevu;
  - b) razmatra naučnoistraživačke projekte po javnim pozivima kojim se aplicira preko Univerziteta u Sarajevu;
  - c) daje mišljenje o raspodjeli vanbudžetskih prihoda od naučne i umjetničke djelatnosti;
  - d) obavlja i druge poslove u oblasti naučnoistraživačkog rada i umjetnosti koje mu odredi Senat Univerziteta.
- (3) Savjet za nauku i umjetnost ima devet članova, od kojih je jedan predstavnik Univerziteta, šest predstavnika fakulteta/akademije/instituta, jedan predstavnik studenata i jedan predstavnik Upravnog odbora Univerziteta u Sarajevu.
- (4) Mandat članova Savjeta traje četiri godine izuzev člana iz reda studenata čiji mandat traje jednu godinu.
- (5) Predstavnik Univerziteta predlaže rektor, predstavnike fakulteta/akademija/instituta predlaže vijeće grupacija nauka i umjetnosti, predstavnika studenata predlaže Studentski parlament Univerziteta, a predstavnika Upravnog odbora predlaže Upravni odbor iz reda univerzitetskih nastavnika izabranih u naučno-nastavno i umjetničko zvanje/naučno zvanje.
- (6) Predsjednika Savjeta bira Senat.

## **I SJEDNICE SAVJETA**

### **Član 3.**

- (1) Sjednice Savjeta održavaju se kao redovne ili tematske.
- (2) Redovne sjednice Savjeta održavaju se u pravilu jednom mjesečno u terminu koji utvrdi Savjet, osim za vrijeme ljetnog prekida nastave.
- (3) Redovne sjednice označavaju se rednim brojem počevši od stupanja na dužnost novoizabranog Savjeta.
- (4) Tematske sjednice sazivaju se radi rasprave i zauzimanja stavova ili mišljenja o pojedinim pitanjima koja su složena i zahtijevaju sveobuhvatnu raspravu.
- (5) Tematska sjednica u pravilu ima samo jednu tačku dnevnog reda, a može ih biti i više ako su tematski povezane.
- (6) Tematska sjednica Savjeta označava se rednim brojem, ali u naslovu se naznačava da je riječ o tematskoj sjednici.
- (7) Tematske sjednice održavaju se u pravilu izvan termina određenih za redovne sjednice.

### **Član 4.**

Sjednicama Savjeta dužni su prisustvovati svi članovi Savjeta, a u slučaju spriječenosti članovi Savjeta dužni su o tome u pisanom obliku ili usmeno obavijestiti ovlaštenu osobu za administrativno stručnu podršku Savjetu, najkasnije 24 sata prije održavanja sjednice, navodeći razloge spriječenosti.

### **Član 5.**

- (1) Sjednice priprema i saziva predsjednik/ca Savjeta, a u njegovom/njenom odsustvu zamjenik/ca predsjednika Savjeta.
- (2) Članovi Savjeta mogu kandidirati pojedina pitanja za dnevni red, tako što pisanim putem upućuju zahtjev za uvrštavanje određene tačke dnevnog reda za sjednicu sa obrazloženjem;
- (3) Poziv sa dnevnim redom za sjednicu Savjeta se upućuje članovima najmanje tri dana prije održavanja sjednice, a izuzetno se pozivi mogu zakazati i u kraćem roku;
- (4) Poziv i materijali za sjednicu se u pravilu dostavljaju u e-formatu.

### **Član 6.**

- (1) Sjednica Savjeta može se održati ako je na sjednici prisutno više od pola od ukupnog broja članova Savjeta.
- (2) Predsjednik/ca Savjeta rukovodi sjednicom Savjeta.
- (3) Savjet utvrđuje dnevni red na početku sjednice.
- (4) U izuzetnim slučajevima, Savjet može i na samoj sjednici uvrstiti novu tačku dnevnog reda uz obrazloženje.
- (5) Nakon usvajanja prelazi se na razmatranje utvrđenog dnevnog reda, tako što prije raspravljanja predsjednik ili izvjestilac izloži pitanje o kojem se raspravlja.

## **Član 7.**

- (1) Savjet o pitanjima iz svoje nadležnosti odlučuje većinom glasova svih članova utvrđujući prijedloge, zaključke, inicijative, mišljenja po svakoj tački dnevnog reda.
- (2) Usvojeni prijedlozi, zaključci, inicijative i mišljenja doneseni na sjednici Savjeta moraju se u pisanom obliku izraditi i dostaviti rektoru/Senatu u roku od 14 dana.

## **Član 8.**

- (1) O toku sjednice Savjeta vodi se zapisnik.
- (2) Zapisnik obavezno sadrži podatke o prisutnim i odsutnim članovima Savjeta, dnevnom redu, te usvojenim zaključcima.
- (3) Zapisnik sa sjednice Savjeta potvrđuje se odnosno usvaja, na prvoj sljedećoj sjednici Savjeta kao prva, odnosno druga tačka dnevnog reda.
- (4) O osnovanosti primjedbe na zapisnik odlučuje se bez rasprave i to većinom glasova članova Savjeta.
- (5) Ako se prihvati primjedba o izmjeni ili dopuni teksta, za dokumentaciju izradit će se tekst sa usvojenim izmjenama ili dopunama.
- (6) Usvojeni zapisnik potpisuju predsjednik i zapisničar, isti se odlaže u arhivu, a elektronska verzija se dostavlja i ostaje na raspolaganju članovima savjeta.

## **II PRELAZNE I ZAVRŠNE ODREDBE**

### **Član 9.**

Izmjene i dopune ovog Poslovnika donose se na isti način kao i Poslovnik.

### **Član 10.**

Ovaj Poslovnik stupa na snagu danom donošenja, a ovjerava ga svojim potpisom Predsjednik Savjeta za nauku i umjetnost na Univerzitetu u Sarajevu.

**SAVJET ZA NAUKU I UMJETNOST  
UNIVERZITETA U SARAJEVU**

**PREDSJEDAVALJUĆI**

**Akademik Dejan Milošević, s.r.**